

**BOSNA I HERCEGOVINA**  
**BRČKO DISTRIKT BiH**  
**OSNOVNI SUD BRČKO**  
Broj: 96 0 Mals 073287 13 Mals  
Brčko, 11.04.2014. godine

### **U IME BRČKO DISTRIKTA !**

Osnovni sud Brčko Distrikta BiH po sudiji Aleksandri Obradović, u pravnoj stvari tužioca M. T. DOO S., ..., zastupano po punomoćniku G. H. i K. D., zaposlenicima firme, protiv tuženog V. M. I. DOO C., B., radi duga vsp. 870,20KM, van ročišta dana 11.04.2014 godine, donio je sljedeću

### **P R E S U D U** **- zbog propuštanja -**

Obavezuje se tuženi V. M. I. DOO da tužitelju M. T. DOO isplati dug u iznosu od 870,20KM u roku od petnaest (15) dana sa pripadajućim zakonskim zateznim kamatama kako slijedi: iznos 224,86KM sa kamatom počevši od 29.10.2011.godine, iznos od 300,15KM sa kamatom počevši od 28.11.2011.godine, iznos od 345,19KM sa kamatom počevši od 02.12.2011.godine, pa sve do konačne isplate, sve u roku od petnaest (15) dana pod prijetnjom prinudnog izvršenja.

Svaka stranka snosi svoje troškove postupka.

### **O b r a z l o ž e n j e**

Tužilac je dana 26.11.2013. godine, ovom sudu podnio tužbu protiv tuženog, a radi duga vsp. 870,20KM.

Kako tuženi kojem je tužba uredno dostavljena 19.02.2014.godine, u zakonskom roku od 30 dana nije dao svoj odgovor na tužbu, a tužilac je u tužbi predložio donošenje presude zbog propuštanja, sud je, nalazeći da su ispunjeni uslovi iz člana 295 Zakona o parničnom postupku Brčko distrikta BiH odlučio kao u izreci presude.

Odluka suda o troškovima zasniva se na članu 117 Zakona o parničnom postupku Brčko distrikta BiH (sl.gl.BD BiH br.8/2009), jer tužilac u tužbi nije opredijelio koje troškove potražuje.

### **PRAVNA POUKA:**

Protiv ove presude nije dozvoljena žalba, ali tuženi može, u roku od 8 dana podnijeti prijedlog za povrat u pređašnje stanje, računajući od dana kada je prestao razlog koji je prouzrokovao propuštanje, a ako je tek kasnije saznao za propuštanje, onda od dana saznanja za to.

### **S U D I J A**

Obradović Aleksandra